

欽定四庫全書薈要

集部
總集類

吉林出版集團有限公司
海天出版社

目次

書

名

卷

次

頁

次

作

者

御定歷代賦匯

外集

卷一七

情感

卷一八

情感

卷一九

人事

卷二〇

人事

逸句

卷一

天象

歲時

地理

典禮

大學

武功

器用

音樂

玉帛

飲食

巧藝

覽古

卷二

卷一七—卷二〇

四三〇—一

四三〇—一三

四三〇—二七

四三〇—四六

四三〇—七〇

四三〇—八三

清・康熙四十五年聖祖仁皇帝御定

書

名

卷

次

頁

次

作

者

補遺

草木 花果 鳥獸 言誌 懷思
行旅 曠達 美麗 諷喻 人事

卷首

卷一

天象

卷二

地理

卷三

地理

卷四

地理

卷五

都邑

卷六

都邑

卷七

治道

四三〇—九六

四三〇—一一一

四三〇—一三三

四三〇—一五五

四三〇—一七七

四三〇—一九九

四三〇—二二八

四三〇—二四七

書名	卷次	頁次	作者
卷八 禎祥 卷九 性道 卷一〇 室宇 卷一一 室宇 卷一二 器用 卷一三 飲食 卷一四 覽古 卷一五 草木 卷一六 花果		四三〇—二六八 四三〇—二九二 四三〇—三一二 四三〇—三三四 四三〇—三五八 四三〇—三七八 四三〇—四〇一 四三〇—四二四 四三〇—四四四	

書名	卷次	頁次	作者
卷一七 鳥獸 卷一八 言誌 卷一九 行旅 卷二〇 曠達 卷二一 曠達 卷二二 人事		四三〇—四六五 四三〇—四八〇 四三〇—五〇九 四三〇—五三二 四三〇—五五四 四三〇—五七七	

欽定四庫全書薈要

集部

御定歷代賦彙外集卷十七

欽定四庫全書薈要卷一萬七千三百七十六

集部

御定歷代賦彙外集卷十七

情感

笑賦

晉孫楚

有度俗之公子總萬物之細故心髣髴乎巢由以得意
為至樂不拘戀乎凡流會親戚於高宇結宗盟於綢繆
所以交頸偃仰椎膺指掌亢洪聲於通谷順長風以流
響氣參譚以相屬若將頽而復往或顰蹙俛首狀似愁
悲悌鬱唯轉呻吟郁伊或攜手悲嘯噓天長叫遲重則
如陸沉輕疾則如水漂徐疾任其口頰圓合得乎機要
或中路背叛更相毀賤傾倚巨我彫聲迄乎日晏信天
下之笑林調謔之巨觀也

欽定四庫全書

御定歷代賦彙外集卷十七

歡賦有序

明屠隆

余處冗賤百憂煎人側身天地長苦跼蹐思欲揮悶散
心寄興楮墨我思古人動多憂戚昔士衡歎逝文通賦
恨驚心動魄一字一歎每一披覽秋氣颯颯風雨欲來

詳校官侯補通政司經歷郭祚藏

使人惻愴幾不知有生人之樂矣友人馮夢禎謂僕曰
子何不為歡賦悅心暢意破彼我之煩懣宣萬物之鬱
塞則此道貴矣夫愁苦之語易好歡娛之言難工然烏
可以其難而含毫喪沮也於是為賦焉文通諸君子見
當掩口

晨登山阿下覽八紘天地開朗風月熹明遊人出嬉川
塗載平於是僕本曠士解顏暢鬱百慮盡捐萬愁若失
我思古人歡情靡一娟娟皇娥夜處璇閨薄焉遵渚帝

欽定四庫全書

御定歷代賦彙外集

卷十七

三

子是依精靈感化中心不違清歌相荅游漾忘歸軒轅
守和冥心合道夢遊華胥萬國熙皞終登空同後天地
老子晉天才神骨蕭爽丹經既成捫霞直上羣靈夷猶
九州糞壤薄富貴而不懷希世外之幽賞英英穆滿志
狹乾坤萬里煙霧八駿雷奔謁西王母登彼崑崙秦白
雲之長謠俯弱水而歷天門秦家公主氣凌紫氛一當
蕭史遂厭人羣攬虹霓而作珮製丹霞以為裙睇樓上
之明月躡天邊之彩雲長辭綺閣永隨夫君千秋萬歲

欽定四庫全書

御定歷代賦彙外集

卷十七

三

此樂何云越王破吳奏凱言歸載蛾眉於金車挂將士
以錦衣樓船壓江濤朱旗晃日輝緹騎填乎廣陌羅綺
盈於中閨堂上燭滅笙歌不喧尊疊酒清房櫳月昏閨
者出客主人留髡坐細毳以中夜傾一石而何言至若
漢帝英雄初誅項王山河入掌弓矢斯藏過豐沛兮訪
故偕父老兮徜徉歌大風而慷慨覽雲氣之飛揚又如
延年獻歌夫人初御驚玉骨之凝霜豔輕綃之如霧樓
閣含風階除墜露洵明珠之照人判傾城於一顧衛霍
出塞士馬精強匈奴滅漢道昌黃金朱第列侯煌煌鈿
釵作隊歌舞成行相如弄琴文君私喜臨邛夜亡成都
歸市姿態豔目芙蓉心死紅蘭茁芳砌青苔生玉祀雖
貧賤其何傷願百齡以為矢若夫太液波明昭陽月滿
香蓮宵丹涼風送管黛色欲絕歌聲乍緩既和媚而魂
癡亦宛麗而心斷兔園既開梁王意歡碧瓦宵白朱門
夜寒集詞客之鴻藻驅凍雲於毫端孟德芟除四方萬
葉雄圖既就猛士歸來引漳河以為池鑄銅雀以為臺

清吹干雲步輦轟雷高歌烈士泰山崔嵬陳王妙才應
劉卓犖寶馬金羈光輝歷落出馳東郊歸宴平樂神飈
蕩空青山映閣會稽諸賢遠覽高步山川崩峭雲物莽
互喬松夾道修篁繞戶一詠一觴凌虛徑度庾公風流
作鎮武昌挾賓佐娛景光覽明月登胡牀酣飲其無人
代長嘯而下天霜又有征夫戍邊思婦含悽長想忽見
遠行乍歸今夕何夕月白星輝高堂敞兮春溶溶朱簾
捲兮秋漫漫新婚合兮出瓊珮佳期至兮藉芳蘭金鑪

欽定四庫全書

御定歷代賦彙外集

卷十七

四

兮乍燄紅燭兮未殘莫不款爾彌洽爽焉和愉寸腸不
結雙睂長舒知離憂之為何物豈羨夫神仙之所居

恨賦

梁江淹

試望平原蔓草縈骨拱木斂魂人生到此天道寧論於
是僕本恨人心驚不已直念古者伏恨而死至如秦帝
按劍諸侯西馳削平天下同文共規華山為城紫淵為
池雄圖既溢武力未畢方架鼉鼉以為梁巡海右以送
日一旦魂斷宮車晚出若乃趙王既虜遷於房陵薄暮

心動昧旦神興別豔姬與美女喪金輿及玉乘置酒欲
飲悲來填膺千秋萬歲為怨難勝至如李君降北名辱
身冤拔劍擊柱弔影慙魂情往上郡心留鴈門裂帛繫
書誓還漢恩朝露溘至握手何言若夫明妃去時仰天
太息紫臺稍遠關山無極搖風忽起白日西匿隴鴈少
飛岱雲寡色望君王兮何期終蕪絕兮異域至迺敬通
見抵罷歸田里閉關却掃塞門不仕左對孺人右顧稚
子脫畧公卿跌宕文史齋志沒地長懷無已及夫中散
下獄神氣激揚濁醪夕引素琴晨張秋日蕭索浮雲無
光鬱青霞之奇意入修夜之不暘或有孤臣危涕孽子
墜心遷客海上流戍隴陰此人但聞悲風汨起血下雷
襟亦復含酸茹歎銷落湮沉若迺騎疊跡車屯軌黃塵
匝地歌吹四起無不煙斷火絕閉骨泉裏已矣哉春草
暮兮秋風驚秋風罷兮春草生綺羅畢兮池館盡琴瑟
滅兮丘隴平自古皆有死莫不飲恨而吞聲

擬恨賦

唐李 白

欽定四庫全書

御定歷代賦彙外集

卷十七

五

晨登太山一望萬里松楸骨寒宿草墳毀浮生可嗟大運同此於是僕本壯夫慷慨不歇仰思前賢飲恨而歿昔如漢祖龍躍羣雄競奔提劍叱咤指揮中原東馳渤海西漂崑崙斷蛇奮旅掃清國步握瑤圖而修昇登紫壇而雄顧一朝長辭天下縞素若乃項王虎鬪白日爭輝拔山力盡蓋世心違聞楚歌之四合知漢卒之重圍帳中劍舞泣挫雄威離兮不逝喑啞何歸至如荆卿入秦直度易水長虹貫日寒風颯起遠讐始皇擬報太子

擬恨賦有序

明 李東陽

昔余少讀江淹李白所作恨賦愛其為辭而怪其所為恨多閨情閨怨其大者不過興亡之運成敗之常而已是何感於情亦奚以恨為哉中歲以來更涉世故記憶舊聞忠臣孝子奇勲盛事或方值幾會遽成摧毀失之

欽定四庫全書

御定歷代賦彙外集
卷十七

七

毫釐而終身曠世不可復得至令人吞聲搥腕而不能已聖賢不言恨然情在天下而不為私亦天理人事之相感激雖以為恨可也乃效江李體反其為情以寫抑鬱而卒歸於正知我罪我皆有所不避云其辭曰

仰視大塊流觀古今撫陳編之磨滅悲往跡之銷沉或事幾之幸會或禍敗之相尋感志士之涕淚傷善人之聾瘖若乃國士報怨吞炭漆身遺恨飲器潛身水濱部馬為之驚跼賊徒為之崩奔奮仇衣於一劍墮血怨於

欽定四庫全書

御定歷代賦彙外集
卷十七

六

飛莫不攢眉痛骨拔血霑衣若乃錯繡轂填金門煙塵長遶天涯遷客海外思歸此人忽見愁雲蔽日目斷心斷心

千春威橫強秦怨深鄰國壯士夜奮神椎畫擊山嶽為之增氣天地為之變色歎失手於副車僅逃形於大索陳實秉政誓清濁亂推席定謀露章請斷機事暗泄禁軍坐畔塞宇宙於煙氛墮衣冠於塗炭昭烈繼絕武侯託孤勇復漢祚雄吞魏都陳二表之宏畧運八陣之奇謨忽將星之淪落悲帝業之榛蕪武廟將建唐社幾屋躍少海之潛龍返虞淵之日轂二豎伏法五王就戮功甫收於藥籠禍終留於肌肉建中失母感慨天衷顧衮衣與玉食嗟欲養而無從誤承歡於別輦翻飲怒於深宮冀百欺於一得竟忍慟而長終靖康入寇岳侯奮矛復中原於破竹誓決策於焚舟神禡奸魄天遺國讐言痛長城之自壞委社稷於橫流胡騎南驅江沙夜駐苦兵力之不支幸潮來之有處海若助虐坤靈失據豈二儀之翻覆莽萬物之非故已矣乎江山改兮人民非白日黯兮陰風淒時不可乎再得歎浮生兮曷歸駭餘聲於壁碎佇滅景於雲飛事難成而易敗世寡合而多違矢

欽定四庫全書

御定歷代賦彙外集

卷十七

八

修正以俟命孰利鈍之可期庶人定以天勝終幹旋於化機

泣賦

梁江淹

秋日之光流兮以傷霧離披而殺草風清冷而繞堂視左右而不暖具衣冠而自涼默而登高谷坐景山倚桐柏對石泉直眠百里處處秋煙闌寂以思情緒留連江之永矣蓮欲紅南有喬木葉以窮心蒙蒙兮恍惚魄漫漫兮西東詠河究之故俗眷徐揚之遺風眷徐揚兮阻關梁詠河究兮路未央道尺折而寸斷魂十逝而九傷歎潺湲兮沫袖泣鳴咽兮染裳若夫景公齊山荆卿燕市孟嘗聞琴馬遷廢史少卿悼躬夷甫傷子皆泣緒如絲詎能仰視鏡終古而若斯況余輩情之所使哉

別淚賦

明張明弼

白雲在天黃花滿枝與子一別相見何時況燕婉兮情纏乍荆吳兮路隔天一碧而愁長野四青而怨積風還嶺而殊音雲換川而同色川多去權嶺有還鑣別衫齊

欽定四庫全書

御定歷代賦彙外集

卷十七

九

挽離目雙挑零花戀葉斷梗懷條攀鮮顏兮潤落傷綠
實兮朱銷慘子之衿掐子之心余何為兮煩忡君奚事
兮沉吟水深深兮可涉山高高兮可越袂一判兮萬里

盼暫回兮千日哀緣心兮忽來淚向君兮難絕乃其雙

睂全下半臉微迎鬟低黛接面轉紅生黛隨恨滴紅入

啼明珠光流而粉破玉豔發而筋橫爾復弱腕難加苦

言欲語似蝶影之縈絲恍鶯聲之雜雨指渺渺之雲天

顧茫茫之煙樹余從何去君向何迴雲天誰辨煙樹空

欽定四庫全書

御定歷代賦彙外集
卷十七

十一

猜願征筵兮合怨畏歧路兮分哀引目幾傳含聲一咽

睽死青脣融朱結燭溜未枯線痕如接拭絳綃而化

殷落素盤而成血著闌竹而文生捻盆枝而癡出影入

鏡而雙啼露將花而並泣既而淒雨初微慘雲猶漬悴

色交頤媚光染臂倦臉減紅慙睂罷翠念有遷延日無

餘晷殘陽一樹斷煙半山咽聲何處山深月寒蛩割惜

而響微鴈分悲而音墜木念美而黃癡草憐人而碧瘁

盼素月兮長暉鬱青霞兮奇意欲寄愁兮天高將埋憂

兮地圯悲乎哉卿懷落我心卿淚沾吾手宛泣玉兮留
膺惜怨香兮辭袖之子有念何人蔑懷高丘非夢勾金
有臺儻丹心之不變睇青鳥之頻來

離憂賦

宋梅堯臣

抱戚戚以長處兮弔惻惻以自眎魂離離以駿邁兮精
蒙蒙而就翳氣貿亂以轆轤兮形爽洵而荒瘁信民生
之多難兮伊天命之方摯知隕性之無續兮畏忝經而
遺義日月騰以漂忽兮春與秋其狎至卒撫心以抑志

欽定四庫全書

御定歷代賦彙外集
卷十七

十一

兮諒投艱以遺大冒帝堯之餘烈兮歷三正而相仍下

天漢而逾熾兮啟東藩於大彭胡亂夏以泯替兮賢辟

世而迅征遡江介以幽處兮汜三徙而弗聲求王明而

受福兮祖來儀於太平支羣龍以登績兮勅體命於遠

夷非別子於都邑兮更名數於京師繇清白以象賢兮

爰頽慶而歷茲馭長策以適駿兮周窮荒而不疑敵輸

歡以馴教兮變變服而來娛中心實使生外兮諶大道

之難推惟保性之蟬聯兮上參差以千歲裕後葉之孔

艱兮憚情中而事廢志激揚之未究兮不克荷而為罪
誨丁寧之在耳兮洵僂僂而違殆忽馳思於昊天兮又
寤僻而自慙發與齡以交永兮且命請而罔害諒不肖
而遭愆兮曾夫人之髣髴原本始而罔豫兮心洛陽以
崩潰覲履厚而戴高兮顧生久其誰賴願去人間以超
舉兮復供養以弭憂苟一覩於顏色兮豈餘生之足留
中恍惚而自失兮恭聞命乎前修天不可以忌兮道不
可與謀母苟襲匹婦以圖諒兮固將徇竊父以寡尤

欽定四庫全書

御定歷代賦彙外集
卷十七

十三

九愁賦

魏曹植

嗟離思之難忘心慘毒而含哀踐南畿之末境越引領
之徘徊眷浮雲以太息顧攀登而無階匪徇榮而愉樂
信舊都之可懷恨時王之謬聽受奸枉之虛辭揚天威
以臨下忽放臣而不疑登高陵而返顧心懷愁而荒悴
念先寵之既隆哀後施之不遂雖危亡之不豫亮無遠
君之心刈桂蘭而秣馬舍余車於西林願接翼於歸鴻
嗟高飛而莫攀因流景以寄言響一絕而不還傷時俗

之趨險獨悵望而長愁感龍鸞而匿跡如吾身之不留

竄江介之曠野獨渺渺而汎舟思孤客之可悲愍予身
之翩翔豈天監之孔明將時運之無常謂內思而自策
算乃昔之愆殃以忠言而見黜信無負於時王俗參差
而不齊豈毀譽之可同競昏瞶以營私害予身之奉公
共朋黨而妒賢俾予濟乎長江嗟大化之移易悲性命
之悠遭愁慊慊而繼懷怛慘慘而情挽曠年載而不回
長去君兮悠遠御飛龍之蜿蜒揚翠霓之華旌絕紫霄

欽定四庫全書

御定歷代賦彙外集
卷十七

十三

而高鶩飄弭節於天庭披輕雲而下觀覽九土之殊形
顧南郢之邦壤咸蕪穢而倚傾驂盤桓而思服仰御驤
而悲鳴紆予袂而長涕僕夫感以失聲履先王之正路
豈淫徑之可遵知犯君之招咎恥干嬖而求親顧旋復
之無軌長自棄於遐濱與麋鹿之為羣宿林藪之歲暮
野蕭條而極望曠千里而無人民生期於必死何自苦
以終身寧作清水之沉泥不為濁路之飛塵踐蹊隨之
危阻登岑堯之高岑見失羣之離獸覲偏棲之孤禽懷

愁賦

唐符載

憤激以切痛苦回忍之在心愁戚戚其無為遊綠林而逍遙臨白水以悲嘯猿驚聽而失條虎無怨而棄逐乃余行之所招

叙愁賦有序

魏曹植

時家二女弟故漢皇帝聘以為貴人家母見二弟愁思故令予作賦曰

嗟妾身之微薄信未達乎義方遭母氏之聖善奉思化之彌長迄盛年而始立修女職於衣裳承師保之明訓

欽定四庫全書

御定歷代賦彙外集

十四

誦六列之篇章觀圖像之遺形竊庶幾乎英皇委微軀於帝室充末列於椒房荷印紱之令服非陋才之所望對牀帳而太息慕二親以增傷揚羅袖而掩涕起出戶而彷徨顧堂宇之舊處悲一別之異鄉

序愁賦

梁簡文帝

情無所治志無所求不懷傷而忽恨無驚猜而自愁玩飛花之入戶看斜暉之度寮雖復玉觴浮椀趙瑟含嬌未足以祛斯耿耿息此長謚

欽定四庫全書

御定歷代賦彙外集

十五

得侶桃李豔於淑景蕙蘭生於幽渚望蹇修兮不來念良人兮何許愁兮愁邊蹇兮行役始忘家而徇國忽時淹而歲積金河流而更遙銅柱去而太劇凝雲披嶺驚沙滿磧馬向北以嘶風人上隴而吹笛功名慨其緬邈鬢髮颯以斑白伏波據鞍而骨驚定遠操戈而涕激愁兮愁禁挽兮恩光爭修曼態競飾明璫動千金之巧笑希一顧於君王嬌妒盈於思慮移奪起於毫芒何長門之咫尺邈阻絕乎陵岡宮殿深兮月皎歌吹清兮夜長

班姬無言以掩扇陳后迴裾而就牀愁兮愁春與秋兮
登臨放臣寓目遊子開襟楓江千里青壁萬尋微波蕩
漾灌木蕭森香雜花而覆水見槁葉之亂林起宋玉之
沉思傷屈平之遠心愁兮愁往事紛其斷續中生被譖
周勃受辱樂毅無階以轉燕黃權何計而歸蜀投令君
於虛器疑卞和之美玉李廣失路於匈奴徐市泛舟於
海曲過山陽而日晚望西陵而樹綠包胥感激於秦庭
鄒陽畏逼於梁獄愁兮愁羈志杳而無伴鴻漸於陸層
霄未半懷戴君與利物每行吟而坐歎安得百斛之醇
醪使斯愁也霞開而霧散者哉

愁賦

明 王世貞

搖落窮愁云胡在心楚如蠶絲歷亂難禁又似膠漆黏
結不分沈冥晝晦鬱術寒雲七情之表五蘊之外別構
愁國金湯衣帶海輸何竭酒攻不解於是僕產樂土晚
繫愁庭出入愁伍寢食愁并朱顏向墨鬢鬢移素中腸
陰窳駢脅徐露鄰死尺寸厭生萬端撫膺搏頰聊舉其

欽定四庫全書

御定歷代賦彙外集
卷十七

十六

欽定四庫全書

御定歷代賦彙外集
卷十七

十七

凡在昔齊相初羈燕儲未釋狐腋已空烏頭尚黑賄幸
姬兮不顧望故鄉兮長隔難迫明而呶喔馬中夜而繭
栗峭關垂啟追兵已迫若乃荆卿既遣吕王若故刃隔
提囊尸分踞柱秦兵電發檄書星布君父怨謫國人指
詈遠左奚匿易流堪揭撫頭顧而非我知社稷之他氏
至如蘇季獻策三年不收然柱欲燼因鬼虛謀貂離披
而別體馬跼蹐而異投鳴機轉軋戛釜誰留榮將貴逝
辱與賤求爰有中廢長門追寵增成君恩一失六宮見
輕玉階絕跡銀井無聲明月含波春花欲霰宮車徑度
蕭韶別殿空乞賦於黃金但沈吟於紈扇又乃棄妻斥
女緘思實公爰爰白兔趯趯草蟲鴛鴦瓦圻玳瑁牀空
滔戔不歸嘉書未返鐵嶺天遙榆闌夢轉覩三星以何
夕歎流年之漸晚其或中朝鳳女遠嫁烏孫酪漿盛腥
毳褐奇溫穹廬代宇服匿承鐔髭鬚赭面啁啾獸言盼
嵯峨之金屋隔縹緲之玉門雖託情於黃鵠竟絕軌於
南轅載有王稽內誅安平外畔應侯奉朝明主興歎一

士謬謬沈幾先見欲辭不可覺禍難遠嗟富貴之履危
仍寄願於貧賤未若屈子懸腸郢都削跡漢溪詹尹謝
策漁父鼓枻隱宗國之猶綫慨讒夫之為蠆樂猗桑之
無知覩耿雉而尚寐抱石匪遠回光難覩及夫晉祚中
哀司空被羈盧郎感交破涕為詩如何撫枕遂異聞雞
倚危譙而清嘯挾扶風之妙辭雙駟駘駘華蓋摧抵百
鍊繞指七尺難期於戲梁獄重關夏臺累榭四候辭春
兩儀偏夜雀鼠同貪荆棘互藉貝錦滔天金雞香救功
成不賞冤極何論感飛霜於六月遲返照於九闌身將
奮而俄掣聲欲舉而潛吞懼於垣之屬耳獨黯然以銷
魂亂曰秋風至今愁以來秋風逝兮愁不歸愁帶長兮
無可減愁淚枯兮不沾衣萬古愁兮一身歛祇應人世
有愁稀

坐愁賦

有序

宋晁補之

魯人閻子仲武行年七十四躬耕於鄙歲旱不入而色
藜藿促鼓其琴作坐愁之聲嘗所與遊晁子補之恐其

欽定四庫全書

御定歷代賦彙外集
卷十七

十八

傷也為作坐愁賦假翁與過者語以解之其辭曰
彼何人而處廊兮匪三閭而獨醒鬢毛毯其雪糝兮眸
子瞭其星明塊獨守此中野兮困無禾而饜清拂素琴
之浮埃理坐愁之遺聲忽推几而睨天送飛鴻之杳冥
或過其前曰有心哉然何求昔林類之行歌云既老而
無憂翁年運而德加翁何為乎坐愁翁偶顧而若聞猶
援琴而不舍曰子非魯之儒服者邪何以不知漆室女
者晝輟絃而淫思宵倚楹而悲咤彼淺哉其量人匪魯
憂而欲嫁豈不誤邪吾亦傷夫魯之君子昔在厄而不
慘賜自殖而何誅顧乘軒而中紺羌同道而恥茲乃長
飢乎回憲彼林類其何人雖信賢而獨善或者曰未既
也請言翁之近者昔蘇門之遯民緇枯桐之一絃匪無
絃之寂默異五絃之啾誼對阮子惟長嘯為稽生纔一
言人欲怒之戲排諸淵勃宰而出則又粲然彼何知夫
坐愁幾蹢躅乎樂天矣然聖人猶以謂樂天有憂之大
者也况憂人之憂豈有既哉於是翁泛然可油然謝曰

欽定四庫全書

御定歷代賦彙外集
卷十七

十九

憂樂外矣吾當虛之

四愁賦

明黃淮

冲虛子索居屏跡息慮省躬因洞觀夫玄化爰有感於
深衷年與時馳羌景物之不異情隨事變何欣戚之靡
同若乃陽和煦育品彙昭融李芳桃耀繁華於朝日
金鞍繡轂醉羅綺於春風轉歌喉之窈窕霑香霧之空
濛踟躕鬪難斯遊未已爭妍索笑其樂何窮我則低摧
喪氣憂悶填膺虛負歲華之遷易那知花信之始終聽

欽定四庫全書

御定歷代賦彙外集

二十

簷外鳴禽空教夢斷見牆頭飛絮始覺春濃慨窮途之
寂寂奈幽思之忡忡至若蘭雨傳香鷗波漲綠開池館
以來南薰折荷簫以泛醺醺和白紵之新詞歌采蓮之
麗曲或鳴琴以俯清流或岸幘而倚修竹扇影風泛兮
齊紈簾紋涼透兮湘玉我則衆穢流腥炎蒸蘊毒飛蟲
旋繞遣拂何暇於言談流汗沾濡起居不離乎裋褐紛
然塵垢之侵肌叢爾煙竈之迷目焉敢恣其趨蹌豈能
頻於盥沐及夫序屬三秋金風扇冷時維殘臘素雪揚

欽定四庫全書

御定歷代賦彙外集

三十一

威盼鄉信之沉迷目窮鴈字苦凝寒之慘慄體怯鴉衣
漏沉沉兮長夜魂渺渺兮親聞警鐸傳聲兮駭膽而慄
魄殘燈照影兮洒淚而長吁於斯時也爾乃鬪勝誇奇
攜朋拉友浥九霄之沆瀣待月南樓玩六出之奇葩張
筵北牖列侍女擁歌姬薦嘉肴稱壽酒婉兮媚物之情
哆兮懸河之口第恐為樂未央而盛時年貌之不留又
豈知窮愁迫盛而羈人歲月之易久也嗟夫余嘗究夫
庶物之理萬化之原是非互見得失相沿競侈靡縱遊
觀則流之於放閤阨窮極愁苦復溺之於偏況消長盈
虛實玄機之旋斡而窮通壽夭豈人事之能遷是故陋
巷簞瓢回也不改其樂易簣待盡參乎獨得其傳又若
陸績顛危而不忘乎孝行史遷殘毀而猶校夫陳編韓
退之貶潮陽而侃然正大之氣上干霄漢杜子美走川
峽而懇乎忠愛之情屢見詩篇此皆騰輝於汗簡非徒
誇大於浮言復有至人道備德全不與時化不為物牽
脂悲喜於一致安性命之自然匪棘匪徐留心澹泊之